

書

宛陵先生文集卷第七

曾無不與卿所進

○ ○ 夏日晚霽與崔子登周襄故城 以下汝州後詩

雨脚收不盡。斜陽半古城。獨攜幽客步。閑閱老農耕。寶氣無人發。陰蟲入夜鳴。余非避喧者。坐愛遠風清。

○ 永叔寄澄心堂紙二幅

昨朝人自東郡來。古紙兩軸絨滕開。滑如春冰密如繭。把玩驚喜心徘徊。蜀牋脆蠹不禁久。剡楮薄慢還可咍。書言寄去當寶惜。慎勿亂與人翦裁。江南李氏有國日。百金不許市一枚。澄心堂中唯此物。靜几鋪寫無塵埃。當時國破何所有。帑藏空竭生莓苔。但存圖書及此紙。輦大都府非珍瓌。于今已踰六十載。弃置大屋牆角堆。

幅狹不堪作詔命。聊備麤使供鸞臺。鸞臺天官或好事。
持歸祕惜何嫌猜。君今轉移重增媿。無君筆札無君才。
心煩收拾乏匱積。日畏捨裂防嬰孩。不忍揮毫徒有思。
依依還起予山哀。

聞尹師魯赴涇州幕

胡騎犯邊來。漢兵皆死戰。昨聞衛將軍。賢俊多所薦。知
君慮不淺。永對未央殿。天子喜有言。軺車因召見。籌畫
當冕旒。袍魚賜銀茜。曰臣豈身謀。而邀陛下睭。青衫出
二嶠。白馬如飛電。關山冒風露。兒女泣霜霰。軍客壯士
多。劔藝匹夫銜。賈誼非俗儒。慎無輕寡變。

夏月陪提刑彭學士登周襄王故城

聊隨漢使者。一上周王城。片雨北郊晦。殘陽西嶺明。野
禽呼自別。香草問無名。誰復黍離詠。但興箕穎情。

王殿丞赴莫州日就余求釣竿數莖以往今因
其使回戲贈

去日覓釣竿。定能垂釣否。若不暇釣魚。釣竿當去取。

詠蜘蛛

日結一尺網。知吐幾尺絲。百蟲為爾食。九腹常苦飢。

宋著作寄鳳茶

春雷未出地。南土物尚凍。呼譟助發生。萌穎彊抽莖。團
為蒼玉璧。隱起雙飛鳳。獨應近臣頒。豈得常寮共。顧茲
實賤貧。何以叨贈貢。石碾破微綠。山泉貯寒洞。味餘喉

舌甘色薄牛馬漚。陸氏經不經。周公夢不夢。雲脚俗所珍。鳥背誇仍衆。常常濫杯甌。草草盈罌甕。寧知有奇品。圭角百金中。祕惜誰可邀。虛齋對禽哢。

觀水 并序

庚辰秋七月汝水暴至溢岸親率縣徒以土塞郭門居者知其勢危皆結菴于木末徬徨愁歎故作是詩
秋水漫長堤郊原上下迷孤城閉板築高樹見巢棲耳
獸蛙聲極漚生雨點齊渚間牛不辨誰為埽陰霓

大水後城中壞廬舍千餘作詩自咎

不如無道國而水冒城郭豈敢問天災但慙為政惡湍
迴萬瓦裂槎向千林閣獨此懷百憂思歸臥雲壑

○ 依韻和李君讀余注孫子

我世本儒術。所談聖人篇。聖篇闢乎道。信謂天地根。衆賢發蘊奧。授業稱專門。傳箋與注解。璨璨今猶存。始欲沿其學。陳迹不可言。唯餘兵家說。自昔罕所論。因暇聊發篋。故牘尚可溫。將為文者備。豈必握武賁。終資仁義師。焉媿道德藩。揮毫試析理。已厭前輩繇。信有一日長。可壓千載魂。未涉勿言淺。尋流方見源。廟謀盛夔禹。正議滅烏孫。吾徒誠合進。尚念有親尊。

○ 新霽登周王城

行行古城頭。歷覽古城下。水鳥傷人煙。河流隔桑柘。秋山豁晴翠。野老親時稼。民訟今已稀。閒登厭官舍。

依韻答李晉卿結交篇

上交執正道。下交守奇節。當爲蘭死香。勿作竹枯裂。試
看溫玉堅。何似春冰折。貴賤事乃見。古今情不別。平生
相與親。晏歲誰可沒。君能持此意。足以表風烈。

秋日屬疾

體羸易生疾。况乃凌秋陰。微寒薄膚腠。飲藥增衣衾。一
日失所治。百骸將不任。當從華氏學。聊欲爲戲禽。

田家

高樹蔭柴扉。青苔照落暉。荷鋤山月上。尋徑野煙微。老
叟扶童望。羸牛帶犢歸。燈前飯何有。白薤露中肥。

苦雨

秋空幾旬雨。四海低鵬翮。晝不見日精。夜不見月魄。灑
盡天漢流。蒸爛女媧石。塗潦將埋輪。牛馬困負軛。羣蟲
無土蟄。百果就枝坼。安能誅陰虬。坐使天地闢。

聞永叔復館因以寄賀

東方有鍛禽。已喜羽翰插。重來金馬門。莫忘黃牛峽。黃
牛無冬春。遠水生鱗甲。今非昔日憂。賀酒特新壓。

九月一日

去歲南陽與謝
公別今謝已歿

授衣念徂節。闔棺傷故人。故人昔送我。把酒湍水濱。只
道後期易。豈知無會因。死生意不及。欲語鼻先辛。既乏
羨門術。安得如松筠。寒暑更數十。應亦同埃塵。

弔李膺祠 此篇合入六十卷賦類

陰蜺橫天長劔欲披匣穎未露兮精鋼已折層冰塞川
猛炬方烈凝氣未銷兮高燄已滅雖忠毅之有志兮當
衰運之閉結嗟身禍之不免兮甘就死於縲絏何賢者
之景慕兮或自表而謝絕惟荀公之獲御兮見顏間之
氣悅奚服媚之若茲兮蓋操秉乎峻節風裁獨高而罕
接兮號龍門而無凡轍允簡亢不容於時兮玉雖碎而
猶潔痛漢綱之頽圯兮又何毀乎賢哲歷千古而可悲
兮故余不得而面結叨此邦而長民兮過舊隴而增咽
嗟異代之有遇兮若登履乎閩闌對風樹之蕭蕭兮想
魂氣之未竭聊感槩於斯兮寫憂心之惓惓

送李康伯赴武當都監

城下漢江流。滄波照鬢秋。山川包楚塞。風物似荊州。試
聽清砧發。何如畫角愁。遙知絕戎事。水味有槎頭。

重送

得朋如得寶。何根相知晚。舊友貴來疎。嗟君行復遠。秋
城隔寒水。驛路入蒼巘。古情深不深。所祝加餐飯。

田家語

并序

庚辰詔書凡民三丁籍一立校與長號弓箭手用備不
虞主司欲以多媚上急責郡吏郡吏畏不敢辨遂以屬
縣令互搜民口雖老幼不得免上下愁怨天雨淫淫豈
助聖上撫育之意邪因錄田家之言次為文以俟採詩
者云

誰道田家樂。春秋稅未足。里胥扣我門。日夕苦煎促。盛夏流潦多。白水高於屋。水既害我菽。蝗又食我粟。前月詔書來。生齒復板錄。三丁籍一壯。惡使操弓韜。州符今又嚴。老吏持鞭打。搜索穉與艾。唯存跛無目。田廬敢怨嗟。父子各悲哭。南畝焉可事。買箭賣牛犢。愁氣變久雨。鐺缶空無粥。盲跛不能耕。死亡在遲速。我聞誠所慙。徒爾叨君祿。却詠歸去來。刈薪向深谷。

檢覆葉縣魯山田李晉卿餞於首山寺留別

我本山水鄉。看山常不足。自從到官來。塵事便拘束。嘗聞此山寺。法宇深雲木。無由一來過。夢想向巖谷。案田趨鄰疆。跨馬涉平陸。良久送我行。偶與賞心屬。禪庭鳴

白雞。祖席歌黃鵠。野氣逼人寒。嵐光添酒綠。言離非遠離。但愛交情篤。重游應有期。君亦行車促。

臥羊山

亂石若羣羊。緣岡臥斜日。曾非左慈化。更想初平叱。無羶穴。蟻去有乳寒。泉出誰憶灞陵原。纍纍冢傷質。

汝墳貧女

時再點弓手老幼俱集大雨甚寒道死者百餘人自壤河至昆陽老牛跛僵尸相繼

汝墳貧家女。行哭音悽愴。自言有老父。孤獨無丁壯。郡吏來何暴。縣官不敢抗。督遣勿稽留。龍鍾去攜杖。勤勤屬四鄰。幸願相依傍。適聞閭里歸。問訊疑猶彊。果然寒雨中。僵死壤河上。弱質無以託。橫尸無以葬。生女不男。雖存何所當。拊膺呼蒼天。生死將奈何。

昆陽城

試看昆陽下白骨猶銜鏃莫願隍水頭更添新鬼哭
老牛陂

吳牛行欲老漢馬焉得犯筋力不可恃遊子當念歸
雙鳧觀

山下溪流照城郭幽庭柏子風自落古壇蒼蘚少人行
不見雙鳧見黃雀

葉公廟

兵物還見驚從來人所悼今看古壁畫應合當時好

己卯歲紫微謝公赴南陽過葉縣陪遊興慶精
舍題名壁間而去庚辰歲余求案田因訪舊迹

盡然於懷故作此謠以志其悲

昔與南陽太守行車騎休時訪庭柏今來重看壁間題
太守已為泉下客獨流清血是門人怡悵便令生死隔
觀極兔

莽莽蒿萊下紛紛狡兔迷枯株坐守者若箇是忘歸
燈花

灼灼生寒燼終朝照席明從教占有驗然滅本無情

魯山山行

適與野情愜千山高復低好峰隨處改幽徑獨行迷
霜落熊升樹林空鹿飲溪人家在何許雲外一聲雞

游元紫芝琴堂

訪古歷荒城。城孤落日鳴。人琴兩不見。破月高臺傾。

○ 至香山寺報秀叔

家近心還速。川長馬易疲。望山孤寺出。渡水夕陽遲。來向林間宿。歸須月上時。只應庭際鵲。已報汝先知。

寒草

寒草纔變枯。陳根已含綠。始知天地仁。誰道風霜酷。

○ 送崔秀才二首

晨風無定巢。遠寄鷦鷯枝。天寒鼓翼健。粒食寧所窺。大澤多羣羽。翱翔各有時。今子振衣去。焉能久迤羈。少年游太學。著盡篋中衣。獨劍自為伴。無家何處歸。秋蓬隨野轉。寒鵲遶林飛。霄漢有知己。行行寧久微。

思遠寄師厚

馬蹄踐霜雪。不畏道路寒。游子重衣裘。慈母懸心肝。懸心幾千里。冉冉歲已殘。大河今漸涸。遠日常不乾。度鴈朝夕聞。尺書寄亦難。願同車輪復。勿比弦上丸。

送師厚歸南陽會天大風遂宿高陽山寺明日

同至姜店

往日送子春風前。春風酣酣杏正妍。今來送歸秋風後。秋風撼撼沙滿川。馬鬣斜傾毛瑟縮。馭吏噤唿足後先。弊裘吹裂寒入骨。枯株磨戛火欲然。忽逢古寺出岳腹。與君下馬相留連。殿堂高下就山勢。松柏森聳侵雲巔。長廊落葉卷若掃。文室垂幔翻如褰。像塑神母乳九子。

抱攜撫玩皆可憐。却令遠客自生念。欲見幼穉心煩煎。
擁爐對坐日昏黑。龕燈共借僧榻眠。雖然覆衣冷如鐵。
不及在家貧無糧。曲肱難寐要天曉。兩股凍痺仍筋攣。
根根殘夜木魚響。起看昂畢傾西躔。怒號斗息東方白。
童僕肅整吾將還。老僧埽壁持筆硯。請予彊此題。歲年
出門並轡至山店。茅屋揭盡餘尺椽。又據胡牀一談笑。
君不解飲聊開筵。程次都無五百里。篋中可乏一囊錢。
拂衣頻起畏日昊。應恐慈母心懸懸。顧我便當江海去。
却思此地何由緣。

疲馬

疲馬不畏鞭。暮塗知幾千。當須量馬力。始得君馬全。

依韻和永叔子履冬夕小齋聯句見寄

遙知夜相過。對語冷無火。險辭鬪尖奇。凍地抽筍筍。吟
成欲寄誰。談極唯思我。學術窮後先。文字少許可。敢將
蠡測海。有似脂出輒。必餓嘗見憂。此病各又果。弊駕當
還都。重門不須鎖。到時春怡怡。萬柳枝娜娜。定應人折
贈。只恐絮已隨。行橐且不貧。明珠藏百顆。

永叔嘗見朝謂自
古詩人率多寒餓

顛困屈原行吟於澤畔。蘇武啗雪於海上。杜甫凍餒於耒陽。李白窮溺於宣城。孟
郊盧仝栖廬道路以子之才必類數子。今二君又自為此態而反有飯顆之誚。何邪。

古冢

南陽道中作此以下汝州
罷官再至鄧州葬希深

南陽古原上。荒冢若魚鱗。劍佩不為土。衣冠應化塵。枯
骸託魑魅。細草歿麒麟。何必問名氏。漢家多近親。

仲春同師直至壠山雪中宿穰亭

與子乘羸馬夜投山家宿風雪滿綈裘燈火深竹屋烹
雞賴主人吠犬憎倦僕明發到巖前春萸凍雲木

依韻和師直仲春雪中馬上

自倚春風暖輕袍犯雪來過塘迷綠水拂樹雜芳梅山
蔽峰難辨樵通徑易開野行方有味緩轡不須催

和師直早春雪後五壟道中作

來尋谷口春正值陰雲結日暮冰霰繇宿亭孤飯設侵
晨登壠去始見羣峰列草凍未抽心松枯猶抱節川傍
認飛鷺林上墜殘雪何意待芳菲遲留未堪折

依韻和師直晚步徧覽五壟川

窮覽川原勝經行未厭頻樵深但聞斧谷暖自留春臨

水何妨坐看雲忽滯人誰家煙塢裏竹樹遠相鄰

暮春過洪氏汝曲小園

三月花已休閑來羨叢薄河田地勢偏雨入灘聲惡綠
草旋抽心青梅猶帶萼主人歸未歸誰省曾遊樂

雷祕校入闕擬官時將登舟過輦下

與君先後發同走向京華羨躍青驪去將乘烏榜賒著
鞭辭宿雨渡水踏春沙聞道求為縣應當學種花

登許昌城望西湖

城望許西偏湖光浸曉煙岸痕添宿雨草色際平田夏
木陰猶薄朱荷出未員人閑綠波靜幽鷺插頭眠

孫主簿惠上黨寺壁胡霈然書墨迹一匣

上黨佛祠何可觀。開元瑞物圖高閣。又有長廊古壁上。
復是名輩題丹牘。當時泥用絲作筋。意欲千載無剝落。
書奇畫妙了不識。訛傳墨土能治瘡。寺僧不惜人指
取。筆墨遂缺如鳥啄。後來好事恐磨滅。寶刀裁剗泥如
剝。取之龕置綠板匣。便寶箱楮同美璞。拂拭還看體勢
生。盤屈蒼虬舞鸞鷲。在昔不畏屋壁壞。今也常恐兒童
撲。夫君知我心所重。南歸贈以致誠慤。此時雖喜落吾
手。老大腕硬無由學。但當拜貺不敢忘。莫為報言首未
數。

寄永興招討夏太尉

代人

寶元元年西夏叛。天子命將臨戎行。二年孟春果來寇。

高奴城下皆氐羌。五原偏師急赴敵。晝夜不息趨戰場。
馬煩人怠當勁虜。雖持利器安得強。二師覆敗乃自取。
豈是廊廟謀不臧。朝廷又選益經略。三幕賢俊務所長。
或取李悝備邊策。或欲五道出朔方。仲夏科民挾弓矢。
季冬括驢齎道糧。官軍未進復犯塞。旗殺將何倡狂。
遂令士卒愈沮氣。欲使乘障膽不張。我願助畫迹且遠。
側身西望空淒涼。庶幾一言可裨益。臨風欲寄鳥翼翔。
所宜畜銳保城壁。轉饋先在通行商。守而勿追彼自困。
境上未免小旄攘。譬如蚊蚋嗜膚體。實於肌血無大傷。
此言雖小可喻遠。幸公采用不我忘。誠知公慮若裴度。
聖上聽用同憲皇。當時豈不歷歲月。猶且衆鎮未陸梁。

宛陵先生文集卷第七
况今鷹犬乏雄勇。便擬馳騁徒蒼惶。且緩須時勵犀卒。
終期拉朽功莫當。

○ 桓妒妻

昔聞桓司馬。娶妾貌甚都。其妻南郡主。悍妒誰與俱。持
刀擁羣婢。逕往將必屠。妾時在窗前。解髮臨鏡梳。鬢髮
雲垂地。瑩姿冰照壺。妾初見主來。縮髻下庭隅。歛手語
出處。國破家已殂。無心來至此。豈願奉君娛。今日苟見
殺。雖死生不殊。主乃擲刃前。抱持一長吁。曰我見猶憐
何況是老奴。盛怒反為喜。哀矜非始圖。嫉忌尚服美。傷
哉。今亦無。

宛陵先生文集卷第七

宛陵先生文集卷第八

夏日晚晴登許昌西湖

以下許州後詩

新晴萬柳齊鶯度。水東西城上。明殘照。雲間挂。斷霓煙
蒲。勺若翦。沙岸淨。無泥果。壓繇枝重。人乘小駟。低嵐光
開翡翠。湖色浸玻璃。只欠朱藤密。如過罨畫谿。

許昌晚晴陪從過西湖因詠謝希深蘋風詩愴
然有懷

疎雲漏斜照。殘雨葉間明。飛蓋城頭去。澄湖水正平。荷
盛鮫客淚。蔓濯野人纓。公獨思康樂。臨流誦句清。

故原戰

落日探兵至。黃塵鈔騎多。邀勳輕赴敵。轉戰背長河。大

將中流矢殘兵空負戈散亡歸不得掩抑泣山阿
故原有戰卒死而復蘇來說當時事

縱橫尸暴積萬殞少全生飲雨活胡地脫身歸漢城野
糞穿廢竈妖鵬嘯空營侵骨劒瘡在無人為不驚

○ 西湖閑望

夏景已多趣湖邊日更佳園葵雜紅紫岸柳自敲斜雨
氣收林表城陰接水涯愛閑輸白鳥盡日立汀沙

寄謝師直

憶同仲春月冒雨過穰亭聊酌山酒別獨吟夜燈青明
朝上嶺路羣岫張雲屏忽入川谷秀固非平生經綠竹
間紅萼紫藤垂千高春塘水波波野老髮星星田父相

與至里言尚可聽始聞丹砂岑遂識五壠形俯瞻禹湯
迹競信廟貌靈邀我陟嶢嶢宿霧方冥冥暗霑衣裘濕
時襲草木馨棟宇敞絕頂牲酒列幽亭竹杯占禍福巫
錦醉一嚀日晏別雲外月出至近坳僕夫疲不進鞭策
無暫停我馬忽顛墜君心同鵲鴿再駕體無傷扣關燭
已熒自茲期莫逆未契心所銘息息操行袂汎汎如水
萍今來各一方安得同醉醒

感二鳥

雄雌雙好鳥託棲空樹中有蛇出旁穴噴毒氣如虹半
夜此驚飛瞥去隨西東有喙不能達啼雲復嘯風迴翔
隔歲月老木高童童眼生衆禽噪雖近未由通昨朝煙

雨晦並翼向幽叢。鷹鷂尚橫集。颺颺意無窮。

古相思

劈竹兩分張。情知無合理。織作雙紋篔簹。依然淚花紫。淚花雖復合。疑岫幾千里。欲識舜娥悲。無窮似湘水。

舟次朱家曲寄許下故人

藹藹桑柘岸。喧喧雞犬邨。晚雲連雨黑。秋水帶沙渾。稍聽鄰船語。初分異土言。雖嗟遠朋友。日喜近田園。

送曇穎上人往廬山

潯陽幾千里。無不見爐峰。蒼翠入衆目。巖壑少行蹤。高僧忽獨往。杳杳懷遠公。嘗聞虎溪上。醉令或來同。而今競邀致。幾里聞松風。塵心古難洗。瀑布垂秋虹。

弔石曼卿

前時京師來。對馬嘗相揖。埃塵正滿衢。笑語曾未及。雖然恨莫親。往往聞風什。星斗交垂光。昭昭不可挹。獨哦秋露中。豈顧衣裘濕。酒杯輕宇宙。天馬難羈繫。今朝我還都。但見交朋泣。借問泣者誰。曼卿魂已蟄。堂堂豪傑姿。遂爾一棺戢。君生寒月明。君沒寒月入。月入還復升。精魄寧未集。孤墳細草遍。翠碣嗟新立。

醉中留別永叔子履

新霜未落。汴水淺。輕舸唯恐東下遲。遶城假得老病馬。一步一跛。令人疲。到君官舍欲取別。君惜我去頻增喜。便步顛奴呼子履。又令開席羅酒卮。逡巡陳子果亦至。

名接入留別
健疾矯支

共坐小室聊伸眉。烹雞庖兔下箸美。盤實飴餽栗與梨。
蕭蕭細雨作寒色。厭厭盡醉安可辭。門前有客莫許報。
我方劇飲冠幘敝。文章或論到淵奧。輕重曾不遺毫釐。
間以辨謔每絕倒。豈顧明日無晨炊。六街禁夜猶未去。
童僕竊訝吾儕癡。談兵究弊又何益。萬口不謂儒者知。
酒酣耳熱試發泄。二子尚乃驚我為。露才揚已古來惡。
卷舌噤口南方馳。江湖秋老鱖鱸熟。歸奉甘旨誠其宜。
但願音塵寄鳥翼。慎勿却効兒女悲。

汴水斗減舟不能進因寄彥國舍人

潮落幾寸水。暮長幾寸沙。深灘鰲背出。淺浪龍鱗斜。秋
風忽又惡。越舫嗟初閣。坐想掖垣人。猶如在寥廓。

陪淮南轉運魏兵部遊潁州女郎臺寺

舊傳媯氏女。將適楚人時。築館自臨水。故臺空此基。因
為楚宮媵。來與使車期。樓上望湖上。煙林晚蔽虧。

望仙亭

并序

壽春望仙亭廣平宋公所作也。宛陵梅堯臣之官吳興
道出其下。公命賦之。

公來有餘樂。所樂為郡間。訟稀聊自適。靜勝以紓顏。清
軒開曉幔。歷歷見淮山。山色洗新雨。佳氣如可攀。代異
雞犬去。時平草木閑。試望天衢近。飛駕應此還。

陪淮南轉運魏兵部遊濠上莊生臺

周當戰國時。何為守靜正。干戈既日尋。仁義固不競。天

下皆跖徒。寧知聖為聖。是將萬物齊。不顧千金聘。所以忘形骸。所以保性命。安能小仲尼。豈不識世病。我從魏公來。訪古停烏榜。聊識賢者心。吁嗟一長詠。

○淮上雜詩六首

宿雲未全斂。微雨入船疎。問伴失前後。暝行隨疾徐。相親沙上鴈。自樂水中魚。亭午日光透。遠分林際居。暗開淮水平。遠見孤城出。出舟問舟子。遽對那能悉。始聞莊生臺。還想觀魚日。果得真隱心。魚鳥情非密。輕舟晚投處。聒聒渚禽嘶。椽子隨薪束。蔬科帶土攜。岸幽雲滿石。潮落蚌生泥。客思無慘極。唯將魯酒迷。野鴈不知數。翳然川上鳴。曾無設羅意。空自見船驚。渺

晴雨晦
頭真
氣候

渺拍波去。紛紛孤嶼盈。苦寒非塞外。霜落夜淮清。漠漠晝煙披。縱橫見魚艇。輕橈上急水。或與飛鴻並。魚大釣絲微。牽隨碧潭迴。向晚得志歸。浩歌山月靜。舟閣下灘遲。蒼黃暮灘上。偏愁逆水風。更駕崩沙浪。落日看已昏。漁燈遠相向。夜闌天轉寒。坐待潮流漲。

○赴雪任君有詩相送仍懷舊賞因次其韻

湖山饒遠處。曾省牧之遊。鴈落葑田闊。船過菱渚秋。野煙昏古寺。波影動危樓。到日尋題墨。猶應舊壁留。

○過揚州參政宋諫議遺白鵝

曾遊鳳池上。曾食鳳池萍。乞與江湖去。將期養素翎。不同王逸少。辛苦寫黃庭。

序此一序不極
巖寺又極清
古秀潤

○金山寺

并序

昔嘗聞謝紫微言金山之勝。峰壑攢水上。秀拔殊衆山。環以臺殿。高下隨勢。向使善工摹畫。不能盡其美。初恨未遊。赴官吳興。船次瓜洲。值海汐冬落。孤港未通。獨行江際。始見故所聞金山者。與謝公之說無異也。因借小舟以往。乃陟迴閣。上上方。歷絕頂。以問山阿。危亭曲軒。窮極山水之趣。一草一木。雖未萼發。而或青或凋。皆森植可愛。東小峰。謂之鷓山。有海鷓雄雌棲其上。每歲生雛。羽翮既成。與之縱飛。迷而後返。有年矣。惡禽猛鷲不敢來。茲以搏魚鳥。其亦不取近山之物。以為食。可義也。夫薄暮返舟。寺僧乞詩。疆為之句。以應其請。偶然而來。

不得髣髴。敢與前賢名迹邪。

吳客獨來後。楚橈歸夕曛。山形無地接。寺界與波分。巢鷓寧窺物。馴鷗自作羣。老僧忘歲月。石上看江雲。

瓜洲對雪欲再遊金山寺家人以風波相止。臘月海風急。雪吹巖下窗。輕舟不畏浪。昨日過寒江。渡口復夕興。區中無與雙。忽牽兒女戀。空聽遠鐘撞。

金山芷芝二僧攜茗見訪

一遊江山上。日日吟不足。雙錫忽來過。衣霜帶初旭。况能持茗具。向此烹新綠。中濡水若飴。北焙花如粟。還將塵慮滌。自媿冠纓束。何以報勤勤。馳奴扣雲谷。

淮南遇梵才吉上人因悼謝南陽疇昔之遊

久已厭宦旅。故茲歸江南。始時遽辭邑。不及事春蠶。殘臘猶在道。險阻固所諳。扁舟次淮海。喜遇釋子談。契闊十五年。尚謂臥巖菴。偶見如夙期。淹留良亦甘。歎逝獨泫然。懷悲情豈堪。班班雲中鳥。共看投夕嵐。曷不念舊隱。山水唯素耽。我從湖上去。微爵輕子男。

送櫟陽宰朱表臣

塞上備胡羌。關中調兵食。秦民尚苦輸。漢吏勤求職。君今喜懷詔。馳騎寧暇息。其邑嘗雨金。於時豈能得。行當經灞上。故事猶可憶。前代多戰爭。鬼火弄陰黑。蒼蒼路傍草。憔悴希春色。縣塗誠有政。威惠爲令德。

依韻和長吉上人淮甸相遇

淮上一相遇。憶在京都時。雖驚歲月換。未改松桂姿。童侍兩三人。鉶錫相與隨。自言東越來。篋中多好詩。文字皆妥帖。業術無傾敝。前輩嘗有言。清氣散人脾。語妙見情性。說之聊解頤。始推杼山學。得非素所師。此固有深趣。吾心久已知。橫琴乃玄悟。豈必弄鳴絲。古樂衆少聽。誰知彼吹簫。師曠沒世後。伯牙衆身悲。願同黃鵠舉。遠歸滄海涯。老驥雖不病。長坂安可馳。天台况奇勝。日夕勞夢思。尚忝齒纓綬。終年趨路岐。俯媿淵中魚。游泳水之湄。仰羨雲間鷲。凌厲辭繫維。居嘗起斯念。未去情不怡。今朝更道舊。感愴各顰眉。同遊謝公門。遠想被霑洩。惜哉胡不仁。碎彼東方琪。又出數紙書。手澤尚可披。眷

眷疇昔意。於今當語誰。復遺三百言。玩味自挽髭。序事盡成故。慨吟良有資。其詞何亶亶。宛若對風規。冷然聳心目。不覺整冠綏。重以超俗韻。顧予賤職司。是猶猿鳥情。並此駑櫪卑。報投仍勉強。實謬匠者為。應哂不量力。短兵茲已疲。

歲日旅泊家人相與為壽

舟中逢獻歲。風雨送餘寒。推年增漸老。永懷殊鮮歡。江邊無車馬。鑑裏對衣冠。孺人相慶拜。共坐列杯盤。盤中多橘柚。未咀齒已酸。飲酒復先醉。頗覺量不寬。岸梅欲破萼。野水微生瀾。來者即為新。過者故為殘。何言昨日趣。乃作去年觀。時節未變易。人世良可歎。

寄題梵才大士台州安隱堂

巢禽託靜林。潛魚戀深壑。豈不能自安。翔泳得所樂。達士遠紛華。於茲守沖漠。堂前鳴松風。堂後馥花萼。好鳥時一呼。澄明望寥廓。詩興猶不忘。禪心詎云著。所以得自然。寧必萬緣縛。未能與之游。懷慕徒有作。

農難

稂莠非所殖。嘉禾共一田。老農實惡之。豈共時稼捐。管蔡與盜跖。同氣詎能遷。周公不妨聖。柳惠不妨賢。賢哉彼疇矣。取舍得自然。

舟中值雨裴刁二君相與見過

江上滄淒淒。天形接野低。岸痕生舊水。馬迹踏春泥。風

急侵衣重山昏卷幔迷誰驚二客論不媿巨源妻

題刁經臣山居時已應辟西幕

真月越出韻

妙在春雨一語
極形山居自在
樂之半信也
免起鵲之
夢之跳脫

向不樂郡府遂云歸田園結廬復種藝草樹日已繁散
帙理舊學了然無俗喧春雨一迴過覽耕登古原青山
每自愛霽色當衡門故人苟來往名宦未嘗言趣適已
不淺道心良亦存忽聞辟書至便令驅犢轅豈期同瓠
瓜長繫蒿萊根始知古君子出處唯義敦按依韻古雅

前者裴君雨中見過因以詩謝復承來章輒依

韻奉和

主人門下客寂寞在江渙我昨謝銅章解組猶脫屣前
日至朱方正值春雨起君時冒雨來曾不避泥濘林枝

澗衣襟沙岸平履齒相歡了無間偶論通遠旨去逢親
交問為報心如水

甘露寺

曾非遠城郭寂爾隔踈氛尚有南朝樹能留北固雲川
濤觀海若霜磬入江濱衛國丹青在孤堂綠桂薰

依韻和刁經臣讀李衛公平泉山居詩碑有感
當時植珍木豈是昧前規廢宅長春草故山存舊碑已
嗟良壁毀安識古松姿叔子每懷慕此心空自知

春日舟中對雪寄刁經臣

誰道江南暖新春見雪飛鷗來親客艇花亂上人衣古
郡地偏寂野窗寒入微戴家仍不遠欲去未能歸

依韻和達觀禪師春日雪中見寄
密霰來新歲春陽氣漸微
侵庭草芽凍紛雜鴈行飛
江寺誰開徑湖山我欲歸
雨花無六出休怪著人衣

和刁太博新墅十題

靜舍

野木扶疎重復重塘蒲涵水綠茸茸
琴書尤古得為樂
休問前山有戴顓

靖

西齋

靜節歸來自結廬
稚川閑去亦多書
請君架上添芸草
莫遣中間有蠹魚

北軒

冬日迎暄此未宜
苦吟那對朔風時
祇誇砌下留殘雪
不看檐間斗柄垂

叢杉

植幹森然美在庭
更憐相倚自青青
翠姿且有干雲勢
豈是孤生向遠坰

松阜

勾引風聲已可聽
高陰仍更接岡形
知君久欲平心氣
早晚根傍長茯苓

小舫

閒撐莫厭遲
比於剡艇劣相宜
漕河有處通陂水
深入荷花人不知

移竹

遠愛檀欒碧逕開。荷鉏乘雨破秋苔。直須探作阮家趣。更向煙林鼓處栽。

花隴

雜芳春發淺深叢。曲隴逶迤紫間紅。色賤格微應不數。少添蘭菊待秋風。

綿檜

翠色凌寒豈易衰。柔條堪結更葳蕤。松身柏葉能相似。勁拔緣何不自持。

新井

淺淺清泉自鑑開。鱗鱗寒甃未生苔。山中亭午野禽渴。

不畏人驚欲下來。

發陶莊却寄刁經臣裴如晦

方看梅柳春共別。川河上移舟人已歸。回首竹林望水。渾不照影山遠猶相向。聞道欲西遊。漢家今尚壯。

發丹陽後寄徐元輿

別君忽五年。相望非一日。會合如夢寐。欣喜對形質。是時春已仲。臨水柳未密。載酒相與遊。輕舫劣容膝。禪扃竹下過。乳井松間出。烹茶覺暫醒。岸幘情彌逸。興闌乘月歸。及旦解行綵。離懷更宿醒。遠想都如失。

胡武平遺牡丹一盤

以下湖州後詩

疇昔居洛陽。看盡名園花。臨水復蔭竹。豔色照彤霞。良

友相與至競飲歡無涯而今猶老翁鬢髮但未華昨日
到湖上碧水涵蒲芽此情頗已愜薄宦非初嗟况乃蒙
見憐帶雨摘春葩雖無向時樂惠好仍有加

題滕學士九華山書堂

五六月山深
書堂

處山方畏淺曾慕結深廬要與雲峰近寧將野客疎澗
苗來入俎林鳥或窺書何事輕茲樂而從出塞車

公今為涇州

送劉成伯還都

今昔困川塗今非羨行者離心寄南風相送過平野既
吹蓮葉舟更逐桂條馬中州多故人懷抱幸君寫

送舍弟正臣赴都

吳兒能刺舟其駛劇飛鳥行行固莫留望進前山小家

貧吾不憂身計爾自了何當還里門拜慶期秋杪

訪報本簡長老

比泛茗溪來初逢下山雨雨收精舍出喜與高僧語門
臨水若鑑萬象皆可觀清淨欲誰鄰野蓮無處所

依韻和淮南祝秘校初春見寄

客有袖中書初憑春燕寄春燕不時來秋鴻今始至水
落蒲藻寒悠悠江浦意

志山就北風白特結而各贈一喜

詩境之清淨
多隣

宛陵先生文集卷第八

宛陵先生文集卷第九

依韻和胡武平懷京下游好

以下湖州後詩

南國易悲愁。西風起高樹。枯荷復送雨。度鴈寧知數。欲
 問北來音。繫書復若故。冥飛杳無迹。弋者徒有慕。况在
 白蘋洲。而懷石渠署。石渠多故人。鷓鴣方騫翥。鏘鳴尚
 可希。絳翼何由附。主人賴知己。未變疇昔顧。乘桴豈仲
 尼。好勇非季路。幸依南郡帳。不學邯鄲步。自守終日愚。
 都忘向時慮。睠戀此江湖。親年當喜懼。既獲庭闈近。又
 多山水趣。邇來對明月。千里猶會晤。長橋人絕聲。舉酒
 逢秋露。迴聞孤舟笛。煙水在何處。俯檻意無涯。跳波魚
 夜乳。頗得真隱情。奚須慕巢許。思寄梅枝香。遠隔蘭溪

謝元暉訪况
 歡懷綠情
 後協滄海趣

渡。緘之付好風。精爽亦隨去。

○依韻和武平九月十五日夜北樓望太湖

東吳臨海若。看月上青冥。河漢微分練。星辰澹布螢。細煙沉遠水。重露裊空庭。孤坐饒清興。惟將影對形。

依韻武平憶玉晨觀

世路多氛垢。人間浪逐名。是非還自喻。寵辱固堪驚。薄宦真何戀。丹砂儻可成。終尋谷口隱。鄭子豈其卿。

凝碧堂

始至荷芰生。田田湖上密。復當花競時。豔色凌朝日。今來蓮已枯。碧水隨秋實。更待雪中過。羣峰應互出。樽有綠蟻醅。俎有頰壺橘。可以持蟹螯。逍遙此居室。

○送劉成伯著作赴弋陽宰

我昨之官來。值君為郡掾。當年已知名。是日纔識面。未久嗟還都。始應羣公薦。遂除芸省郎。出治江上縣。縣劇素所聞。其俗到可見。水精製盤盃。冰瑩產郊甸。鳴箏斲桐梓。雕飾雜寶紉。有藥化銅鉛。方士多伏鍊。君今齒尚壯。好學常不倦。二者定非惑。吾言亦狂狷。絃歌將有餘。幸可寤經傳。歸來期著書。篋楮盈百卷。莫學此疎慵。無能守貧賤。明朝君當行。勉勉自出餞。豈無一壺酒。豈無一鼎饌。古直古為

○冬雷

上帝設號令。隱其南山下。震發固有時。曷常事憑怒。春

以動含生。夏以奮風雨。冬其息不用。藏在黃厚土。我今來江南。歲曆惟建午。如何小雪前。向曉疑鳴釜。蛟蛇龜蟲厄。鱗裂口塊吐。蝦蟇不食月。深窟僵兩股。天公豈物欺。若此汨時序。或言非天公。實乃陰怪主。嘗觀古祠畫。牛首椎連鼓。黑雲雜狂飈。相與為肺腑。是不由昊穹。安能順寒暑。吾因考厥事。復以驗莽鹵。市井欺量衡。定知不活汝。元惡逆大倫。弗加霹靂斧。此豈曰無私。故予未所取。必恐竊天威。似將文法侮。焉顧五行錯。詎畏萬物覩。欲扣九門陳。恨身無鳥羽。

○劉成伯遺建州小片的乳茶十枚。因以為答。玉斧裁雲片。形如阿井膠。春溪鬪新色。寒籜見重包。價

劣黃金敵。名將紫筍拋。桓公不知味。空問楚人茅。

冬日送暹上人

霜風刮地如刀鎌。鳥不遠飛魚已潛。何況削髮冷入骨。草屨不畏冰雪霑。緣山涉水去幾里。晝盃野飯誰來添。毗陵舊寺苦欲到。索我贈行無久淹。

和壽州宋待制九題

熙熙閣

初日照城樓。流暉及菌閣。上收花霧紅。下見春煙薄。信美是殊邦。而淹佐時略。自慙江外人。敢慕淮南作。

春暉亭

卉木日已發。中圃日已嘉。歡言樂和景。及此鬢未華。春

風實無幾凌亂枝上花山陰况暮月俯仰誠可嗟

白蓮堂

蟋蟀在秋堂芙蓉出深水浩露同一色澄澈寒鑑裏佳
人恥施朱欲與天真比沙鳥閑且都誰將擬公子

式宴亭

從事誰獨賢而來均宴喜幽禽雜嘯呼珍木竟叢倚興
將物色俱閑厭簫鼓美寧同不聞問訟息時遊此

秋香亭

高軒盛叢菊可以泛綠樽餘甘自同齋忘憂寧用萱有
木皆剥實何草不陳根獨此冒霜豔芬郁滿中園

狎鷗亭

羣生自知機不可欺以異此雖鷗與馴鷗亦魚所避坐
熊臨碧水安得同一致然此海客心還應無有媿

齊雲亭

城隅結危棟髣髴凌煙霓平觀飛雨來俯窺巢禽棲浩
蕩孤思發冪歷蔓草齊長安去不遠何言西北迷

美蔭亭

野材仍翦茅當此茂林下晴暉葉上明翠影杯中瀉鮮
風時颺輕裾自蕭灑固殊嵇生鍛曷慕巖棲者

望仙亭

嘗聞淮南王雞犬從此去至今山頭石馬迹尚有處使
君辭從官終日絕塵慮望望雲漢間想見賓天馭

清光迴碎仍
自映合題旨

依韻和僧說上人見訪

客從東國來。山雲猶在屨。是時正窮臘。鴈落溪陰暮。投宿古城隅。雪迷松下路。衣楮足蘭荃。相過寧厭屢。

立春前一日雪中訪烏程宰李君俞尋有詩見
貺依韻和荅

粉絮先春拂面翔。臨風躍馬到君堂。縣民將喜土膏起。令尹未驚農事忙。疾呼小吏具山酌。便欲盡醉為詩狂。我牽塵俗不得久。何意更煩投夜光。

送劉比部

青山夜來雨。溪水已潺湲。侵曉桂旗動。傷離蘋渚前。百壺臨祖道。兩槳破春煙。舊業西河上。歸心向日邊。

贈月上人彈琴

人閑溪上橫。剗木素琴寒。倚一枝玉。吳王城畔鎖深房。月下空彈孤鴈曲。

○冬日陪胡武平遊西余精舍

侵晨霜氣嚴。溪口冰已合。烏榜將進遲。寒篙旋摧拉。遙看松竹深。雪屋藏山衲。登臨興都盡。薄暮沿清雪。

依韻和武平苔雪二水

昔愛伊與洛。今逢苔與雪。南郭復西城。曉色明於甲。塵纓庶可濯。白鳥誰來狎。落日潭上歸。魚歌自相荅。

依韻和武平昇卞二山

北峰壓城蒼。南岫緣溪綠。誰知昔人遊。尚想叢桂馥。鳥

吳真山水狂情
冥碧正与先
生巧相映後

獸安可羣呼鳴自為族。儻聞羨門術。一躡塵外躡。

送崔主簿赴睦州清溪

舟輕不畏險。逆上子陵灘。七里峽天翠。千重雲木寒。古祠鳴野鳥。亂石激春湍。正與高懷愜。寧歌行路難。

依韻和劉比部留別

春雲已泊簾。濃澹半晴天。沙草微抽綠。林枝遠帶煙。况茲逢晚景。那更送歸船。苦酒聊為酌。無勞辨聖賢。

送潘供奉承勛

與君迹熟情已親。欲將行邁聊感人。舉酒不能効時俗。半辭苦語資立身。長大實好帶刀劍。曷不往助清邊塵。門戟雖高豈自有。當思乃祖為功臣。所宜踴躍發奇策。

嘉名定體庶得真。儻以斯言作狂說。乘肥食脆任青春。

荅新長老詩編

江東釋子多能詩。窗前樹下如蟬嘶。朝風暮月只自老。

建安舊體誰攀躋。唯師獨慕陶彭澤。奇蹟仍收王會稽。

嘗示余右軍書一軸

此焉趣尚已不淺。更在措意摩雲霓。

題劉道士奉真亭

降真沉水生爐煙。扣齒曉漱華池泉。心存崑閬未可到。夜瞻北斗何聯聯。顧茲虛室如有遲。一草一石幽且妍。芝蓋雲輶杳無至。不知誰更似羊權。

依韻和烏程李著作四首

縣署西園

春入西園何苦誇，我曾狂醉洛城花。如今老大都無興，獨坐晴軒看落霞。

○ 雪上二首

共愛雪溪風物美，春來清可鑑鬚眉。蘋生楚客將歸日，花暖吳蠶始浴時。臨水竹樓通市陌，跨橋雲屋接川湄。畫船載酒期君醉，已是無謀助翦夷。靚妝艷服遊川上，簫鼓聲中俗自歡。寄語春風休用惡，恐教潭水起波瀾。

早春遊南園

東國春歸早，南園百卉宜。萱芽開翠穎，杏萼破煙姿。青壠將鳴雉，喬林未轉鸝。石尤風莫起，芳物畏君吹。

○ 送僉判張祕丞赴秀州

江燕歸時君亦歸，燕巢未暖君還去。去去溪邊楊柳多，正值清明欲飛絮。競折贈行何所益，時當長養傷嘉樹。不如舉酒對青山，酒罷移舟須薄暮。嘉禾主人余久知，迹冗不擬彊攀附。儻或無忘問姓名，為言嬾拙皆如故。

○ 送弟赴和州幕

夾河為郡不如古，江北江南作冗官。須記長傳一經訓，雖貧莫改飲歌歡。歷陽況與吾廬近，春穀休言問膳難。此日停舟聊舉酌，明當水驛自加餐。是送弟信

寄題徐都官新居假山

太湖萬穴古山骨，共結峰嵐勢不孤。苔徑三層平木末

不著一字而妙
折真學之
不畫之意

夕陽集卷九
河流一道接牆隅。已知谷口多花藥。祇欠林間落狄鼯。
誰侍巾構此遊樂。里中遺老肯相呼。

送梵才吉上人歸天台

頃余遊鞏洛。值子入天台。當時羣卿士。共羨出氛埃。荏苒踰一紀。却向人間來。問子何爲爾。言與般若臺。雖將發愚闇。般若安在哉。此教久已熾。增海非一杯。我言亦爍火。豈使萬木灰。蓋欲守中道。焉能力損裁。子勿疑我言。遂以爲嫌猜。忽聞攜錫杖。思向石橋迴。城霞與琪樹。璨璨助詩才。嘉辭徧人口。幸足息巖隈。

公度以余嘗語洛中花品。而此邦之人多不敢言花於余。今又風雨經時。花期遂過。作詩以見。

貽故次其韻

去年三月來吳中。欲擬看花無與從。今年二月花偏早。發作無節雨與風。前時清明要尋賞。謂夸洛陽多不容。我心豈是限南北。美好未必須深紅。姚黃魏品若盡有。春色定應天下空。因君見贈又及此。莫怪還思澗水東。留題可及明心堂。

種雉已先號。卉木萼漸歇。俯檻弄條枚。因心悟生滅。上人本高胄。季父踐清列。而能厭紛華。樂彼方外說。

陪武平游雅上人房卞峰亭

晚愛池上清。羣峰對檐隙。常恐雲氣生。坐令蒼翠隔。復繞曲塘陰。映實孤花拆。誰知禪者居。來伴使君適。

送張舍人自安吉移宰同安

遠辭湖上山。徙治海邊邑。機杼吳俗饒。魚鰕越人給。操琴在更張。殊土宜順襲。何以贈勤勤。薄言茲所及。

劉彞秀才歸江南

鳳鳥不在笈。麒麟寧受鞞。君思此二物。中夜忽興歎。况值南風來。襲蘭歸楚岸。

笈音叔字然三音義同鞞音半駕馬具存也曰半

送胡武平

來見江南昏。使君詠汀蘋。再看蘋葉老。汀畔送歸人。人歸多慕戀。遺惠在茲民。始時繞郊郭。水不通蹄輪。公來作新塘。直抵吳松根。新塘建輿梁。濟越脫朝仁。言度新塘去。隨迹如魚鱗。從今新塘樹。便與蔽芾均。我雖備僚

屬筆舌。敢妄陳。因行錄所美。願與國風振。

迴陳郎中詩集

嘗觀陳伯玉。感遇三十篇。矯矯追古道。粲爾日星懸。今公豈其後。佳詠久已傳。憶為童子日。早誦錦繡妍。茲來預官屬。而許玩奇編。明珠三百琲。一一徑寸圓。他人握中有未獲。毫髮焉家貧。敢懷寶。况近驪龍淵。又畏風雨作。神物不得全。再拜捧明月。長跪還席前。

依韻和武平別後見寄

溪遠檣危一望遙。此焉悽絕府中僚。已同鴈鶩依清淺。共看鸞皇上沈寥。別岸無端縈細柳。迴舟不忍過新橋。醉來事事能生感。誰道愁腸酒易銷。

屈原懷少賦鳳
鳳在公雞雄弗
舞

○ 蘄州廣濟劉主簿

相識雖非久。相親似舊年。論文君豈後。尚齒我慙先。慣狎吳兒水。將浮楚客船。安知不離恨。高柳正鳴蟬。

○ 依韻和僧說夏日閑居見寄

城郭非清涼。山僧抱微疾。又况三伏時。當茲一禪室。炎飈正爍爍。溪水徒瑟瑟。唯詠冰雪辭。可以銷夏日。

依韻和李宰秋思

一葉與風舞。已知天地情。將令百果實。競振羣蟲聲。陶令欲收秫。幽人思誓觥。更吟君麗句。誰為寫鍾評。

送儲令赴韶州樂昌

嘗聞韶石下。虞舜古祠深。至樂久已寂。况持陶令琴。炎

方不道遠。一去值秋霖。

隱真亭

烏程史尉署

作尉慕吾祖。吾祖非得時。誰似芙蓉國。日見芙蓉披。涼雨隨風來。清香入酒卮。自得真隱趣。不慙吳市為。

說上人遊廬山

夙懷高世趣。固足林壑情。欲遊名山徧。遂為廬岳行。又訪遠公蹟。東林氣象清。瀑布秋影落。香爐曉煙生。洗蕩萬古慮。薰蒸千載名。我今滯孤宦。空羨鉉錫輕。

和元之述夢見寄

高秋枕席涼。晝寢還清曠。不嘲君腹便。獨夢予爾訪。豈忘相規言。仍記羣小謗。始知端正心。寐語尚不誑。倘况

何讒人告子亦孟浪吾聞有尸蟲伺惡多相尚耽睡受
其惑子心恐成恙勉子守庾曹勿使茲物玉魂交昧聰
明寤後成清唱誦玩自省循徒爾增怡悵不能檢細微
遂使言屢貺雖然甚頑鄙內顧無過當仲尼稱天厭季
路猶行行何當謝勤誠為子傾嘉釀

秋日臥疾恭上人來過不及見因以詩答

溪上秋霧多溪居曉寒入呼吸遂生疴嘔泄不下粒素
知江南地大率皆卑溼久從吳土居氣候非所襲伏枕
欲經旬冠帶沾已澀女奚特扣關問疾提山笠我非金
粟身寄謝何暇揖屈性茲不能他時冀來及

依韻和守賢上人晚秋書事

秋霧鬱不開矇矓夾溪樹深枝尚宿禽寒葉時驚露我
居溪之陰早景誠所慕開谿吐初陽獨吟神與晤豈意
方袍人而懷此焉趣忽枉瓊玖章無慙惠休句

宛陵先生文集卷第九

宛陵先生文集卷第十

臧子文剡縣主簿

以下湖州後詩

剡縣無淺深。歷歷能見底。潛鱗莫見窺。塵紱聊堪洗。古木潭上陰。遺祠巖下啓。應識道傍碑。因風奠醪醴。

○ 余令之會稽新昌

越舸將渡西陵時。臘雪欲作陰雲垂。古岸潮迴夜冰閣。冰上鯉魚紅尾。君奉親聊自得。窮冬涉險仍熙熙。縣民但可觀此意。休羨江邊孝女碑。

○ 傳神悅躬上人

握中一寸毫。寶匣百鍊金。鑑貌不鑑道。寫形寧寫心。古人固不識。今人或所欽。依然見其質。儼爾恨無音。子誠

丹青妙巧奪造化深。妍媸必盡得。幻妄恐交侵。

○文曜師之南徐

班班上川羽。薄暮未安巢。擾擾方外士。歲晏遊遠郊。正值風霜急。晚冰隨處敲。何時居巖下。都把塵事拋。

○送芝上人歸姑蘇

身衣竺乾服。手援犧氏琴。鯨聲不願奏。古意一何深。晏景託孤艇。倦飛還舊林。闔閭城下寺。幾里認鐘音。

○唐寺丞知南雄州

前林尚含凍。南國史君行。逆水春風峭。孤舟挂席輕。踏歌聞舊俗。信鬼有頽氓。當識朱衣贊。壺漿擁道迎。

依韻和孫秀才朱長官見寄

二首同韻

古來富貴蹈危機。樂性安貧莫謂非。未及功名蒼鬢改。欲從疎嬾五湖歸。昔年同志逢時盡。今日相親似子稀。犀僕忽辭雲海上。遠持雙壁扣吾扉。

謝尉西歸

曾為洛陽客。喜見洛陽人。每憶舊遊處。相逢借問頻。當時伊水上。醉弄巖花春。而今絕茲樂。欲語已酸辛。明朝君當去。又復與誰親。唯應有素月。相照寒溪濱。

○陳浩赴福州幕

梅殘杏將坼。楊柳都未堪。欲贈無所贈。春風吹酒酣。遠山猶帶雪。野水已如藍。羽檄不應有。詩書自可耽。

示沈生

穉子每多疾始與藥物親由茲沈生迹遂歷吾門頻我
居無鳥鼠乃知屋室貧舉世競趨利爾非閭井人

和潘叔治早春遊何山

泛泛寒溪流縈紆向山去淺石長蒲葦朝煙暖巖樹捨
舟當禪扉踏蘚污野屨誰愛鮑參軍登臨多秀句

張法曹歸闕

海底日未上屋頭羣雀喧晨興溪館迴坐聽櫓聲煩出
戶望行舸羨心如野獫暮春余亦去為見故人言

送張叔展北歸

江南春候早水暖野芹生北客欲歸日故人持贈行莫
嫌為物薄言采幽蘭并休惜臨流醉高帆去櫂輕

依韻和叔治晚春梅花

楚人住處將為援越使傳時合有詩常是臘前混雪色
却驚春半見瓊姿笛吹遠曲還多怨風送酒香似可期
我欲細看持在手誰能為折向南枝

僧元復院枕流軒

寺外寒流駛開軒靜者棲淺深看藻荇出沒愛鳧鷖一
悟此中趣萬緣皆可齊誰來驚節物岸木長春莢

惱儂

期我以踏青花間儻相遇果然南陌頭翩若驚鴻度不
語彊躊躇羞人映芳樹兩心常自憐兩目空相注依依
不得親薄暮還愁去記取似丹葩知開在何處

。相逢

晚日南城歸。橋邊見郎去。遠遠逐郎迴。羅衣汗微污。不
惜污羅衣。要與郎相顧。留連芳苑中。肯謝花天媿。倚欄
思。晤言羞畏情。誰諭草草各還家。幽懷是飛絮。

檣烏

檣頭飛去烏。夜夜啼聲碎。猶不如水禽。雙棲向煙外。煙
外少分張。渚間多鬱蒼。休同八九子。反哺人誰愛。

過華亭

晴雲號鶴幾千隻。隔水野梅三四株。欲問陸機當日宅
而今何處不荒蕪。

月暈

月暈已知風。燈花先作喜。明日挂帆歸。春湖能幾里。

逢謝師直

昔歲南陽道中別。今向華亭水上逢。把酒語君悲且喜
流光冉冉去無蹤。

回自青龍呈謝師直

共君相別三四年。巖巖瘦骨還依然。唯髭比舊多且黑
學術久已不可肩。嗟余老大無所用。白髮冉冉將侵顛
文章自是與時背。妻兒啼無一錢。幸得詩書銷白日
豈顧富貴摩青天。而今飲酒亦復少。未及再酌腸如煎
前夕與君歡且飲。飲纔數盞我已眠。雞鳴犬吠似聒耳
舉頭屋室皆左旋。起來整巾不稱意。挂帆直走滄海邊。

便欲騎鯨去萬里。列鼓不借霹靂鞭。氣沮心衰計欲睡。
夢想先到蘋渚前。與君無復更留醉。醉死誰能如謫仙。

青龍海上觀潮

百川倒蹙水欲立。不久却迴如鼻吸。老魚無守隨上下。
閣向滄洲空怨泣。推鱗伐肉走千艘。骨節專車無大及。
幾年養此膏血軀。一旦翻為漁者給。無情之水誰可憑。
將作尋常自輕入。何時更看弄潮兒。頭戴火盆來就溼。

社前

欲社先知雨。將歸未見花。那能長作客。夜夜夢還家。

水次鬪髀

不知誰氏子。枯首在沙洲。肉化烏鳶腹。肢殘波浪頭。曾

聞南面樂寧有九原。愁厚葬不為賢。漢官其登丘。

葉大卿挽辭三首

位列名卿重。年躋賜几尊。臧孫宜有後。定國已高門。舊
族聲華遠。名藩治行存。秋風簫吹咽。隴隧起雲根。

自古賢才少。滔滔豈足云。善人安得見。清譽久來聞。器
隕龍文鼎。魂歸馬鬣墳。豐碑幾當立。籍甚著遺芬。

終始為全德。生榮歿亦榮。里人悲畫翣。郡吏拜銘旌。石
馬天麟肖。松枝國棟成。更看追孝意。捧土作新塋。

湖州寒食陪太守南園宴

寒食二月三月交。紅桃破類柳染梢。陰晴不定野雲密。
黝黝鼓聲湖岸坳。使君千騎出南圃。歌吹前導後鳴鐃。

是時輒預車馬末傾市競觀民業拋竹亭臨水美可愛
嗑呷草木皆吐苞遊人春服靚妝出笑踏俚歌相與嘲
使君白髮體尤健自晨及暮奏酒肴爾輩少年翻易倦
倚席欠伸誰得教公雖不責以正禮我意未容誠斗筭
逡巡秉燭各分散小人爭路何叟叟

牡丹

洛陽牡丹名品多自謂天下無能過及來江南花亦好
絳紫淺紅如舞娥竹陰水照增顏色春服貼妥裁輕羅
時結遊朋去尋玩香吹酒面生紅波粉英不忿付狂蝶
白髮彊插成悲歌明年更開余已去風雨摧殘可奈何

惜春三首

九十日春無幾日不堪風雨競吹花舞英逐水向何處
泛泛斜溪伴晚霞

前日看花心未足狂風暴雨忽無憑此身不及深溪水
隨得殘紅出武陵

春色斗空花亦休綠園深鎖更誰遊殘枝遺萼不中看
暮雨霏霏起暗愁

花孃歌

花孃十二能歌舞籍甚聲名居樂府荏苒其間十四年
朝作行雲暮行雨格夫氣俊能動人人能動之無幾許
前歲適從江國來時因讌席相微語雖有幽情未得傳
暗結殷勤度寒暑去春送客出東城舟中接膝已心傾

自茲稍稍有期約。五月連航並釣行。曲隄別浦無人處。
始笑鴛鴦浪得名。爾後頻逢殊嫵婉。各恨從來相見晚。
月下花前不暫離。暫離已抵銀河遠。青鳥傳音日幾迴。
雞鳴歸去暮還來。經秋度臘無纖失。愛極情專易得猜。
前時南圃尋芳卉。小忿不勝投被起。官私乘興作威稜。
督促倉皇去閭里。蕭蕭風雨滿長溪。一舸翩然逐流水。
忽逢小史向城來。泣淚寄言心欲死。願郎日日致青雲。
妾已長甘在泥滓。更悲恩意不得終。世事誰憑何若此。
郎聞茲語痛莫深。天地無窮恨無已。我今為爾偶成章。
便欲緘之託雙鯉。夢人評此作有之。換風骨。余謂清譽過

程山人歸歙州

新安固與吾鄉鄰。山水清絕殊可擬。我今暫來子亦歸。
空聽杜鵑雲樹裏。

重過南園

誰作此園為宴喜。而今樂事已難并。佳人去後門長鎖。
蔓草離離上古城。

送滕監簿歸寧岳陽

乃翁守西鄙。胡騎敢馮陵。撫士無餘貨。吏以文結繩。向
聞來三堂。今復走巴陵。沂流幾千里。雲夢苦炎蒸。風檣
易陣馬。猶使勇氣增。子今遠寄省。寄謝余豈能。江山可
留詠。燕許昔嘗曾。

寄題千步院兼示譚上人

郊郭山林有美處，皆為釋子所棲託。高閑不與時俗侵，
寂靜豈唯魚鳥樂。朝望平田插稻苗，暮看西邨收雨脚。
早夏陪知府學士登壘嶂樓

高陵自可眺，况復更層樓。峩峩衆山翠，活活寒溪流。新
篁未埽籜，綠險已脩脩。曲道出林杪，飛宇跨城頭。春餘
衆芳歇，子結纍蔓抽。庭空野鼠竄，日暝啼禽留。誰知郡
府趣，適有林壑幽。主人易吾土，惟襲是瀛洲。伊我去閭
井，爾來三十秋。昔望白雲下，今從輕軒游。

得孫仲方畫美人一軸

駿駒少馴良，美女少賢德。常聞敗君駕，亦以傾人國。因
觀壁間畫，筆妙仍奇色。持歸非奪好，來者恐為惑。

塗次寄羅道濟

去年五月君到官，紅蕖正開湖水寬。共酌汀洲不知暮，
扣舷月露霑衣寒。今年我罷欲歸去，朋酒久來無此歡。
移舟不忍便為別，競挈杯肴情未闌。城闈欲閉各分散，
溪雲暗澹生悲端。明日抱醒風雨急，野蓮空看寄君難。
和潘叔治題劉道士房畫薛稷六鶴圖

啄食

窮年見俛啄，但有飢乏意。雖存玉山禾，不入丹青喙。因
思方朔嘲，此豈優諧類。

顧步

舉足徒有勢，行沙遂無蹤。迴頸誠已久，未知竟何從。安

能見傳侶。顧望自顯顯。

○ 唳天

引吭向層霄。聲聞期在耳。鼓吻意豈疎。知音何已矣。安得九皋同。流響入萬里。

○ 舞風

如逢仙圃風。飄飄奮雙翅。拊節余欲助。和歌誰爾類。但看矯然姿。固於流雪異。

○ 警露

孤標近仙壇。依約聞墜露。儼如舉止揚。稍見神爽悟。曉月坐清軒。寒添壁間素。

○ 理毛

六鶴皆不同。初生薛公筆。况茲刷羽者。奮迅如天質。墨客懷賞心。題詩仍我率。

留題毗陵潘氏宅假山

人心本好靜。世事方擾擾。丘壑未去時。庭中結山小。長欲見蒼翠。何須聽猿鳥。有志同尚平。當期昏嫁了。

觀居寧畫草蟲

古人畫虎鵠。尚類狗與鶩。今看畫羽蟲。形意兩俱足。行者勢若去。飛者翻若逐。拒者如舉臂。鳴者如動腹。躍者趨其股。顧者注其目。乃知造物靈。未抵毫端速。毗陵多畫工。圖寫空盈幅。寧公實神授。坐使羣輩伏。草根有纖意。醉墨得已熟。權豪不可致。節行今仍獨。

和穎上人南徐十詠

鐵甕城

漸江以為池。增山以為壁。鐵甕喻其堅。金城非所敵。前朝經喪亂。曾是輕鋒鏑。覽古一徜徉。空聽漁浦笛。

北固山

山勢自北來。高城倚為固。當時偶登臨。邇者遂淪誤。微雲思作雨。古樹嘗霑露。今非恃險艱。草木藏狐兔。

京口水

江頭潮正平。日照土山口。坐見遠來舟。高帆忽前後。將隨入浦風。稍度遙圻柳。客無南北虞。信是承平久。

金山寺

山與眾山殊。寺非諸寺擬。無面不當江。有林皆照水。南冷隔吳會。北渡通揚子。還看上下帆。日日何常已。

望海樓

嘗聞觀蹄浴。詎識海水大。浩浩與天同。滔滔眾流會。平吞江作練。遠瀉河如帶。終日郡樓間。欲取長鯨鱠。

季子廟

信如季子賢。自昔知能幾。依約有荒祠。寂寥無奠篚。壞梁生溼菌。古木憑山鬼。英靈豈顧茲。青史辭豐壘。

鶴林寺

松竹暗山門。颼颼給青吹。傳聞宋高祖。舊宅為茲寺。地以黑龍升。經因白馬至。何必問興亡。山川應可記。

夫子篆

季札墓傍碑。古稱尼父篆。始沿春秋義。十字固莫淺。磨
敲任牧童。侵剥因野蕪。嗟爾後之人。萬言書不顯。

甘露寺

山頭百畝宮。庭下千年樹。在昔甘露霏。嘗疑神物護。陰
連殿閣寒。聲撼雷霆怒。瞻影衛公堂。英魂想來去。

范公橋

謂公天下才。非專一方惠。及此作輿梁。力行無鉅細。既
異國喬為。將同傅崑濟。礮石亘長川。寧須伐山桂。

邵伯堰下王君玉餞王仲儀赴渭州經略席上
命賦

未破河西寇。朝廷尚有憂。淮南命儒帥。塞上足封侯。莫
探黃金甲。須存百勝謀。昔嘗經黠虜。今去正防秋。

悼亡三首

存兩首

結髮為夫婦。於今十七年。相看猶不足。何況是長捐。我
鬢已多白。此身寧久全。終當與同穴。未死淚漣漣。

每出身如夢。逢人彊意多。歸來仍寂寞。欲語向誰何。窗
冷孤螢入。宵長一鴈過。世間無最苦。精爽此銷磨。

從來有脩短。豈敢問蒼天。見盡人間婦。無如美且賢。譬
令愚者壽。何不假其年。忍此連城寶。沈埋向九泉。

淚

平生眼中血。日夜自涓涓。瀉出愁腸苦。深於浸沸泉。紅

清岳悼亡
此類至

顏將洗盡白髮亦根連。此恨古皆有，不須愚與賢。

秋日舟中有感

天乎余困甚，失偶淚滂沱。世事隨時遠，秋風順水多。鰥魚空戀穴，獨鳥未離柯。歲月都無幾，存亡可奈何。兒嬌從自哭，婢駭不能呵。已覺愁容改，休將舊鑑磨。弊衣留暗垢，殘藥恨沉疴。斗厭驅驅役，終期老薜蘿。

書哀

天既喪我妻，又復喪我子。兩眼雖未枯，片心將欲死。雨落入地中，珠沉入海底。赴海可見珠，掘地可見水。唯人歸泉下，萬古知已矣。拊膺當問誰，憔悴鑑中鬼。

宛陵先生文集卷第十

宛陵先生文集卷第十

謁雙廟

以下湖州後詩

八月過宋都，泊舟雙廟側。永懷此忠良，遺烈傳碑刻。五位儼朝裾，千年同血食。當時多苟生，賢爵曾誰識。縱今有丘墳，都已荒荆棘。古人非輕死，於義實罕得。英骨化埃塵，令名同鳥翼。飛翔出後世，景慕無終極。豈若目前榮，未沒聲已息。西登孝王城，王氣由邦國。

送弟禹臣赴官江南

昔與子同歸，夜向瓜洲泊。持杯月正清，盪水平如削。爾來蘆岸深，須防虎潛搏。行行無朋友，遇事自斟酌。

和永叔晉祠詩

淳化五年真正
日古人傳受

并州古來稱近胡，山雄氣壯民足儲。山根晉水發源處，平若皎鑑潛波疏。漸流漸急不可測，以至瀼瀼鳴清渠。豈惟俯可見毛髮，况乃了了看龜魚。下溉平田幾百頃，稻苗穠稔曾不枯。興亡莫問隨水遠，廟深草樹空扶疎。伊君持節過其下，愛此佳趣聊停車。北望故城無舊物，泱泱野色連丘墟。已向風前聽好鳥，只畏落日聞蒼狐。晉人須識漢使美，冉冉青顙似綠蒲。

得李殿丞端州硯

蛟龍所窟處，其石美且堅。蠻匠斲為硯，漢官求費錢。持歸向都邑，爭乞如瓦墀。豈識萬里險，謬竊好事傳。

書謝師厚至

爾來哭爾姑，清淚滴塵几。一聞在目言，不謂今則死。而猶意遠行，所念當至止。秋風忽助號，萬木欲摧毀。

詠蘇子美庭中千葉菊樹子

生與衆草生，不與衆草榮。彼皆春爭葩，茲獨秋吐英。千葉共一萼，百蒂共一莖。幽亭聳扶疎，獨本非楮撐。吾友蘇子美，有酒對自傾。香隨青陵蝶，色映黃金鶯。昨日偶來過，頗興陶令情。豈敢復言詩，君家有子卿。

新冬傷逝呈李殿丞

惡老今逼衰，孤寂仍足悲。寒風一夜起，曩事無不思。手澤在故物，默歷非故時。夢寐猶平常，反悟恨莫追。人生苦情累，安得木石為。賴有同舍郎，相語彊解頤。

送趙升卿之韶幕

舟車歷盡險風物乃還君。俎肉應多味。虞韶不復聞。林
鳴異音鳥。山冒欲晴雲。若弔張丞相。空祠舊近墳。

蘇子美竹軒和王勝之

庭無十步廣。有竹纔百个。子時哦其間。賓交或來和。琴
壺置于旁。圖籍亦在左。誰憐脩脩影。只畏寒日過。誰憐
青青枝。下有暗葉墮。我期霰雪時。來聽幽聲臥。應當為
設榻。勿使賞心剝。持以報主人。此不可破。

偶書寄蘇子美

君詩壯且奇。君筆工復妙。二者世共寶。一得亦難料。我
今或盈軸。體逸思益峭。有如秋空鷹。氣壓城雀鷄。又如

飲巨鍾。一舉不能釀。既釀心已醉。顛倒視兩曜。吾交有
永叔。勁正語多要。嘗評吾二人。放檢不同調。其於文字
間。苦硬與惡少。雖然趣尚殊。握手幸相笑。

寄題洪州李氏涵虛閣

耳熟滕閣美。未為豫章遊。近聞東湖上。可見西山頭。朝
愛雲氣生。暮數鳥行幽。主人趣向遠。登覽日不休。父兄
已三人。挂冠此遲留。他年儻一往。風物詠可周。

送蕭祕校

比從江南來。又從江南去。孤舟隨鴈羣。晚泊定何處。霜
橙可為齏。冰鱸思下箸。此興吾不知。薄言聊所慕。

送李殿丞通判處州

拜官將近親不畏千里險。泝流上潁水。石亂波驚颭舟人。素已諳曲折。就迴閃。豈虞失便利。倚慣憂亦掩。昔余從平流。悸夢尚成魘。今逢子方去。青紵絲新染。沙頭有埃吏。喘立板方斂。鴻鴈正來翔。競看朱服儼。

古劍篇送蔡君謨自諫省出守福唐

生銅夜夜鳴。剉鐵未嘗錢。主人久提攜。何事贈離別。借問豈酬恩。請看鐔上血。休慙補履功。出處異施設。

雜興

主人有十客。共食一鼎珍。一客不得食。覆鼎傷衆賓。雖云九客沮。未足一客嗔。古有弑君者。羊羹爲不均。莫以天下士。而比首陽人。

送逐客王勝之不及遂至屠兒原

犯霜出國門。送客客已去。猶意行未遠。策馬過寒戍。川長不見人。沙沒前岡路。始聞雲木深。忽逢朱亥墓。金鉗一報恩。義烈垂竹素。何須文學爲。寄語長沙傅。

送周仲章太博之鉅野

仲月霜氣嚴。朝來厚如雪。鴻鴈各南飛。羽毛將恐折。征塗履以足。侵骨寒於鐵。得罪此爲輕。君恩大懽悅。

鄴中行

武帝初起銅雀臺。丕又建閣延七子。日日臺上羣鳥飢。我我七子宴且喜。是時閣嚴人不通。雖有層梯誰可履。公幹才俊或欺事。平視美人曾不起。五官褊急猶且容。

意使忿怒如有鬼自茲不得為故人。輸作左校濱於死。其餘數子安可存。紛然射去如流矢。烏烏聲樂臺轉高。各自畢逋誇彙尾。而今撫卷迹已陳。唯有漳河舊流水。親郊前三日大慶殿雪中。皇帝率羣臣發章聖五后冊。將郊先奉冊拜立。未央廷天表君心孝人驚。曉雪零冤。旒紛點綴。劔佩溼晶熒。曲蓋曾無用。羣臣敢自寧。鑪煙靜齋幄。并氣凍宮餅。明日來壇下。中宵已見星。

忠上人攜王生古硯誇余云是定州漢祖廟上瓦為之因作詩以荅

硯取漢廟瓦誰恤漢廟墮重古一如此吾今對之悲既

寶若圭璧未知為用時

讀後漢書列傳

漢家誅黨人誰與李杜死死者有范滂其母為之喜喜死名愈彰生榮同犬豕

異同

吾聞聖賢心不限親與疎義殊目前乖道同異代俱堯舜及周孔千載趨一塗盜跖誚孔氏弟子將黨歟蹠自驅其衆日念殺不辜河濱捧土人海畔逐臭夫塞川豈量力同趣即爾徒爾既不自過反以此為紆

蔡仲謀遺鯽魚十六尾余憶在襄城時獲此魚留以遲歐陽永叔

昔嘗得圓鯽留待故人食今君遠贈之故人大河北欲
膾無庖人欲寄無鳥翼放之已不活烹煮費薪棘

雜擬

忽聞胡騎渡河水月魄夜脅陰貂寒獨侍金輿立城角
龍蛇不展繞旗竿

荅中上人卷

吹笛皆學龍吹笙皆學鳳又於笙笛間高下不相中得
其精者稀得其麤者衆况於真出音千歲不復夢為爾
學笙歟頗已臻妙弄

送蘇子美

勇為江海行風波曾不懼但欲尋名山扁舟無定處南

有鵬若鴉臉有石若鋸毒草見人搖短狐逢影怒不遐
尚苦乖更遠饒瘴霧東土乃濱海蜃鼉仍可怖殼物怪
瑣屑羸蜺固無數鹹腥損齒牙日月復易飫二方既若
此往矣無久駐竟當西北來醉耐炙肥羜夏不厭漿酪
冬不厭雉兔勿言專口腹口腹人所務天台信奇偉石
橋非坦步廬岳趣最幽飢腸看瀑布此致雖為高實亦
難久慕君行聽我言不聽到應悟

晚歸聞李殿丞訪別言已屢來不遇

蕭條一陋巷頻日見馬蹄歸來穉子告有客云將暎始
知君其南復歎我向西豈不懷念慕吾親書新齋曰吾
五男子愛惜無不齊所要立門戶安用同犬雞齷齪守

此客馴馴戀此樓。二季留左右。足以共挈攜。身許遠。就
祿幸。又奉阿彌。今年還都下。路喪子。與妻囊罄。厭外役。
進退類藩羝。終當改江邑。儻得致音題。

刁景純將之海陵。與二三子送於都門外。遂宿
舟中。明日留饌膾。

人言汴水駛。奈何已冬乾。蔡雖平且慢。臘月行亦難。唯
聽夜冰合。爲君愁苦寒。暫維青絲紵。邀膾白玉盤。行人
反飫我。於理殊未安。所忻能自養。不復道加餐。

寄洪州致仕李國博

湖上悠然度幾春。勇拋榮祿遂天真。青蒲翠竹圍華屋。
白酒黃雞命里人。果下有時乘小駟。兒曹方見擁朱輪。

田園歲入千鍾美。肯似疎家苦畏貧。

同謝師厚宿胥氏書齋。聞鼠甚患之。

燈青人已眠。飢鼠稍出穴。掀翻盤盂響。驚聒夢寐輟。唯
愁几硯撲。又恐架書齧。癡兒効貓鳴。此計誠已拙。

聞子美次道師厚登天清寺塔

二三君少壯。走上浮圖巔。何爲苦思我。平步猶不前。苟
得從而登。兩股應已攣。復想下時險。喘汗頭目旋。不如
且安坐。休用窺雲煙。

謝師厚歸南陽效阮步兵

一日復一朝。一暮復一旦。與子相經過。少會不言散。我
心終未極。歲月忽云晏。嘶馬思長道。孤鳥逐前伴。駕言

慕儔侶。懷抱若冰炭。南臨白水湄。風雪振高岸。意恐慈
母念。疾馳節已換。解劔登北堂。幼婦笑粲粲。弊裘一以
縫。征塵一以澣。而我客大梁。衣垢自悲歎。

師厚明日歸南陽夜坐有懷

明朝子當去。我若雲失龍。龍歸雲未歸。索莫將安從。半
夜出戶望。參畢已正中。倏然變陰黑。烈烈鳴窗風。窗鳴
不得寐。擁被一悲翁。

永叔贈酒

大門多奇醞。一斗市錢千。貧食尚不足。欲飲將何緣。豈
能以口腹。屈節事豪權。閉戶飽於齋。作詩涌如泉。一日
復一夕。醒日常不眠。窮臘忽可怪。雙壺故人傳。呼兒欲

自酌。瓦盞無完全。其能饗甘脆。而况侑天妍。却令情懷
惡。分與富貴偏。收拾不復嘗。排置屋角邊。儻宜嘉客至。
傾倒相與顛。何暇問濃薄。但覺窗扉旋。誰識我為我。賓
主各頽然。始得語且橫。既醉論益堅。曾不究世務。閑氣
爭古先。畢竟兩未決。辨吻空流涎。嗟我儒者飲。聒耳無
管絃。雖云暫歡適。終久還愁煎。自甘不偶死。寧慕金印
懸。願頻致此物。勿恤瘡擔肩。

得山雨

急雨射蒼壁。濺林跳萬珠。山根水壅壑。漫竅若注壺。

范殿丞通判秦州

天水出名馬。多稱黃金羈。正值羌已和。邊草復離離。乘

肥固未失。所蘊不得施。主人本燕客。寧獨事書詩。志尚功名間。管樂猶一時。去去勿復道。磊落為男兒。

陳繹越州從事

母夫人老母兄黜。夫人從爾之會稽。恐傷爾心不敢泣。春岡細雨聞竹雞。時亦藏淚未出臉。奈何相與頭傾低。誠知就祿非獲已。應欲退耕無舊畦。

辛著作知西京永寧

躍馬西畿令。家瑩在洛陽。衣霜寒食雨。花發故宮牆。冷澹鳩鳴屋。寬閑水滿塘。送君悲漸老。空憶釣伊魚。

依韻和師厚別後寄

吾與爾別未及旬。吾家依舊甑生塵。閉門不出將誰親。

佳日凄婉
有情味

自持介獨輕貨珍。盤餐豈有鹹酸辛。苦吟輟寢昏繼晨。夜光忽怪來何頻。採拾若在滄浪垠。和者彌寡唯陽春。

普淨院佛閣上孤鶻

我新稅居見寺閣。金碧照我破屋前。目看閣上聚鳩鴿。巢棲飲哺忘窮年。雕檐畫壁屎污徧。以及像塑頭與肩。寺僧不敢施彈射。忽有蒼鶻張毒拳。鴉鳴鵲噪鸚鵡叫。怒鶻來此窺腥羶。鶻心波烈不畏衆。瞥碎一腦驚後先。死鳥墮空未及地。返翅下取如風旋。獨當屋脊恣捨磔。啄肉披肝腸弃捐。老鴟無藝又很怯。盤飛欲近飢目穿。遂巡鶻飽自飛去。爭殘不辨烏與鶻。羣兒指點路人笑。我方吟憶秋江邊。

蜂

春風無主撩亂時。分羣養子各守脾。爭掇花腴為臘蜜。年年共割不我稽。俄逢主人若過慮。畏爾有蠶成噬臍。密將惡物毒爾族。爾曾不得同醢雞。王雖爾名爾何補。造甘為利乃自取。

○ ○ 並遊

並出慙羸駕。康衢嬾著鞭。寒驢能勝馬。擘道去如煙。何用嗟遲疾。從來有後先。所期皆一至。我到爾應還。

寄宣州可真上人

昭亭山色無纖塵。昭亭潭水見游鱗。長松碧篠入古寺。石上高僧度幾春。

元夕同次道中道平叔如晦賦詩得閑字

金輿在閭闔。簫吹滿人寰。九陌行如畫。千門夜不關。星通河漢上。珠亂里閭間。誰與聯輕騎。宵長月正閑。

正月十五夜出迴

不出只愁感。出遊將自寬。賈賤依儔匹。心復殊不歡。漸老情易厭。欲之意先闌。却還見兒女。不語鼻辛酸。去年與母出學母。施朱丹。今母歸下泉。垢面衣少完。念爾各尚幼。藏淚不忍看。推燈向壁臥。肺腑百憂攢。

同次道遊相國寺買得翠玉嬰一枚

古寺老柏下。叟貨翠玉嬰。獸足面以立。瓜腹肩而平。虛能一勺容。色與藍水并。我獨何為者。忽見日以驚。家無

半鍾畜不吝百金輕都人莫識寶白日雙眼盲

送惠勲上人

遽告我行何所之東南爾土爾自知山水佛事不暇說
去何速今來何為公卿賢人見爾喜為爾買屋勾爾資
王城幸可樂歲月野鶴終是思陂池去去雲霞不容侶
却應來此如前時

聞賣韭黃蓼甲

百物凍未活初逢賣菜人乃知糞土暖能發萌芽春柔
美已先薦陽和非不均芹根守天性憔悴澗之濱

董著作嘗為參謀歸話西事

子說頗驍勇築城收漢疆提兵無百騎偷路執生羌大

將罪專輒舉軍皆感傷歸來出萬死羸馬亦摧藏

戲寄師厚生女

生男眾所喜生女眾所醜生男走四鄰生女各張口男
大守詩書女大逐雞狗何時某氏郎堂上拜媪叟

薛中舍宰聞喜

秦人官于秦百事順耳目山川我已疎風物子所熟維
美行邁時親賓祖車轂空將離別心欲出無童僕

聯句附

古木含清吹池上增晚涼余懷本達曠謝少脚聯此傲義

皇孤鷗可與狎絳幽岸足以觴幸有彭澤酒堯臣便同

永嘉堂潘生起為壽維王子齊陳章林端見新月衍草

際聞寒蟬照水螢影亂。良臣拂筵蓼花香。徘徊戀嘉境。坐使歸興忘。少卿

○希深洛中冬夕道話有懷善慧大士因探得江字韻聯句

彼有上人者。妙談心所降。希深達空知不二。觀行本無

雙。堯臣久阻飄花席。因思響雪窗。希深社中雖得遠。方

外自非龐。堯臣夢幻慙他劫。風塵厭此邦。希深終期親

道樹。何必憶重江。堯臣

希深本約遊西溪信馬不覺行過據鞍聯句

有意訪西溪。順塗吟思迷。及茲詢野老。已恨過芳蹊。希深

醉客但多興。幽禽空自啼。無由駐金勒。林表日光低。堯臣

同希深馬上口占送九舅入京城親聯句

之子洛中來。芳樽喜暫開。人誇阿連少。吾媿士衡才。希深

丹闕鳳皇去。清川鴻雁迴。都門春色美。相送思悠哉。堯臣

玉塵尾寄傅尉越石聯句

齋中獨何物。持之想見君。惟茲玉塵尾。信美而有文。夫

子善談道。疊疊詞如雲。在握昔同色。傾坐今離羣。絳况

託懷袖好。曾親蕙蘭薰。常許助閑放。於焉探典墳。既乃

阻清燕。復屈驅虫蚊。自殊白團扇。未畏秋葉紛。堯臣

風瑟聯句

竅竹漏天風。張絃擬嶧桐。佳名從此得。妙響未曾窮。希深

夜靜危臺上。人閑皎月中。依依聽不足。秋露滿蘭叢。堯臣

冬夕會飲聯句

與君數夜飲唯恐酒盞空今我苦欲淺堯臣語志難此

同陳編侑歡適謝景初間謔何魁雄婢子寒且倦堯臣主

人哦不窮燈青屢結花景初煎響時鳴蟲穴鼠暗出沒

堯臣風鴈高雍容冰霜覆瓦屋景初貂狐輸賚翁孤牀

乏暖質堯臣苦語有澹工咀嚼患肉小景初煨炮驚殼

紅落蟾斜入竅堯臣遠漏微遞風醉心欺睡魄景初細

書刺昏瞳吽呀聞爭犬哮吼厭啼驀撥火亂頰豆附灸

雙彎弓乾果硬迸齒堯臣寒齏酸滿胃枯蛤擘無肉澹

脯燒可饗語必造聖賢樂已過鼓鐘紙窗幸未曙景初

絮被令旋縫凍痺兩股鐵跑抓雙鬚蓬脬屎既嬾溺裊

兀蝨唯欲烘器皿足鉞齷捧執無天穠兒女寒不寢堯臣

僮僕困欲普豈無賢富徒笑此飢寒蹤丈夫固有負道

義久已充墨子不黔突齒輩且得封勉哉梅夫子塞者

終自通景初

○問荅送九舅席上作

金鑿落希深留贈行人須滿酌銀餅况有宜城醪及取

春風花照灼

小屏風問希深座隔流塵素影融方牀六尺偃清晝慙無

玉枕名通中

玉蟾蜍希深廁君筆硯誠有諸可愛亭亭寒月照瑩然

四座凝冰壺

金錯刀

問希深

連環交刃吹風毛。美人贈我萬錢貴。何必

翦犀誇孟勞。

青雲梯

問希深

尺木為階行勿迷。勤修道業生羽翼。天門

九襲須攀躋。

鳳于飛

問希深

差差粹羽今逢時。桐花正美喬雪亂家庭。

玉樹須來儀。

宛陵先生文集卷第十一

宛陵先生文集卷第十二

擬李益竹窗聞風寄苗發司空曙

窗前風動竹聲碎。影仍鱗衝扉。忽自啓出誤初迎。門驚

雀枝未定乳蜂窠。暫翻飄飄一舉被。聊更遲來轅

擬宋之問春日翦綵花應制

上林花未有。中禁綵先成。葉逐翦刀出。蕊從妝粉生。紅

繡內人手香。染侍臣纓。不是將春競。天心重發榮。

郡閣閱書投壺和呈相國晏公

較量人世無窮樂。羅列平生未見書。聊奉投壺祭征寡。

休言擊劒馬相如。畫樓晚去聞寒角。縹帙看來落蠹魚。

日獲誨言皆舊學。不慙貧賤帶經鉏。

梅花

江南臘月前溪上。照水野梅多少株。豔薄自將同鵠羽。粉寒曾不逐蜂鬚。桃根有妹猶含凍。杏樹為鄰尚帶枯。楚客且休吹玉笛。清香飄盡更應無。

擬張九齡詠燕

眇眇雙來燕。長年與社違。任從新曆改。只向舊巢歸。永日當人語。輕寒逆雨飛。自親梁棟慣。不識海鷗機。

遲雪

風號大澤晚。雲覆女牆低。驚霰夜將集。廣庭朝復迷。鶯鳴寒蔽日。鴈泊凍生谿。會待飄花密。開軒意外題。欲雪復晴

陰雲不成雪。碧瓦有絲霜。日氣生簾額。冰條結井牀。飛鳥鳴自樂。古木晝仍殭。誰意斗晴後。苦寒勝北方。

送蒙寺丞赴郢州

郢國當時唱。猶傳白雪真。問今非昔日。和者幾何人。客自射飛鴈。漁能供躍鱗。芳洲墮馬處。吾祖漢名臣。

聞角

一聲催客夢。星斗轉西檐。風卷梅花去。愁從柳塞添。馬鳴霜滿鬣。龍泣凍生顛。高樹朝光動。城頭落海蟾。

和人雪意

凍雲低垂野。遠樹昏未分。朝來庭竹上。撼撼霰已聞。扣門有兵吏。嘉命傳相君。趨閣展熊席。卷幔飄爐薰。桂漿

貯榼美馬乳薦實蕢賓屬兩三人從容奉評文遠稽先
儒言風賦可以羣密置筆與硯唯待雪雰雰雪既不可
待日暮人半醺明朝獲方楮健思欲凌雲

詠楊高品馬殿御獅

嘗聞養騏驥辟惡繫獼猴供奉新教藝將軍舊病偷聊
看緣柱杪尚想傷崖頭更祝南州使如拳試為求

和欲雪二首

貂裘著不暖牙帳曉初開朔氣還先及流風亦屢催擬
聞人詠絮將見使傳梅公復憂民畝龍沙幾日來
雪欲漫天落雲初著地垂臂鷹過野健走馬上冰遲公
子多論酒騷人自詠詩都無少年意只臥竹窗宜

梅花

已先羣木得春色不與杏花為比紅薄薄遠香來澗谷
疎疎寒影近房櫳全枝惡折憎鄰女短笛橫吹怨楚童
墜萼誰將呵在鬢蕊殘金粟上蟲

和十一月八日圃人獻小桃花二絕

當時開向杏花後今日綻當梅萼前不畏雪霜何太甚
繇英如火滿枝然
前占寒食一百六算到其時未合開丹豔已先灰管動
不由人力與栽培

和梅花

時時不甘春著力年年能占臘前芳水邊攀折此中女

馬上覲尋何處郎。山舍更清裁作援。鳳樓偏巧學成妝。
團枝密葉都如雪。野雀飛來翅合香。

再送蒙寺丞赴郢州

彎弓落飛鳥。少也向幽州。來作漢官屬。恥為戎國留。身
輕拋馬轡。地暖厭狐裘。慣見顏如玉。江邊問莫愁。

擬王維觀獵

晏相公坐中探賦

白草南山獵。調弓發指鳴。原邊黃犬去。雲外阜鷗迎。近
出長陵道。還看小苑城。聊從向來騎。回望夕陽平。

擬陶潛止酒

多病願止酒。不止病不已。止之懼無歡。雖病未宜止。且
欲止人事。事止不經耳。次誦止足言。行當止田里。田里

止誰親。止樂山水美。既止何所助。唯酒與止喜。以言止
不止。未必止為是。止酒儻不瘳。枉止徒可恥。止亦隨化
遷。不止等亦死。慎勿道止酒。止酒乃君子。

擬杜甫玉華宮

松聲溪色古。中有鼯鼠鳴。廢殿不知年。但與蒼崖平。鬼
火出空屋。未繼華燭明。暗泉發虛竇。似作哀絃鳴。黃金
不變土。玉質空令名。當時從輿輦。石馬埋棘荆。獨來感
舊物。煎懷如沸羹。區區人世間。誰免此虧盈。

擬韋應物殘燈

照此寒夜中。欲殘紅燼尾。空堂滅復明。獨宿擬山鬼。
和十一月十二日與諸君登西園亭榭懷舊書

事二首

冬日蕭條公府清。獨將諸吏上高城。而今何處異疇昔。
鐵墓下聞孤夜鳴。

莎徑依然見莎葉。蓮塘無復有蓮花。更看白水滿城下。
說著當時龍骨車。

和小雨

蛟龍溼白霧。天外細濛濛。霑土曾無迹。昏林似有風。卷
旗妨酒舍。濕翅下洲鴻。稍見斜陽透。西雲一半紅。

擬韓吏部射訓狐

黃昏月暗妖鳥鳴。虬然鈍質麤豪聲。憑凶自異立屋角。
潛事肯吻欲我驚。豈知慣聞此醜狡。呼集鬼物夸陰寧。

夕盜雞雛無畏避。曾遭彈射沉泥坑。汝今病翼未甚愈。
還作舊態侵平明。陽烏瞳瞳出東海。照汝宜喪膽與精。
何為世人苦憎汝。汝常盜物資已榮。儻有弓矢勿污辱。
殺此非得去惡名。養雛四三已相似。眼腦實異鸞皇生。
一朝車輪翅墮地。狐鼠入穴梟黨烹。

得韓持國書報新作茅廬

聞君作茅廬。正在西軒西。定移舊蔬圃。稍改新藥畦。其
高如伯鸞。况亦有隱妻。今方漢德盛。不必之會稽。

和新晴

雲開日照戟衣寒。淨埽平沙路已乾。吏散庭除少公事。
畦挑芽甲足春盤。要聽林上鳴禽變。試步塘陰綠水寬。

誰詠陳根有微綠。烏蟾易失似跳丸。為世欺劍水實

清躬詩

所稟介且拙。嘗恥朋比為。皎皎三十年。半語曾未欺。身
微德不著。尚使人見疑。省已當自責。實負聖相知。聖相
雖明察。不假束蘊辭。扣言已可罪。引去豈非宜。

嘗惠山泉

吳楚千萬山。山泉莫知數。其以甘味傳。幾何若飴露。大
禹書不載。陸生品嘗著。昔唯廬谷亞。久與茶經附。相襲
好事人。砂餅和月注。持參萬錢鼎。豈足調羹助。彼哉一
勺微。唐突為霖澍。疏濃既不同。物用誠有處。空林灑面
僧安比。侯王趣。

糟淮白

寒潭縮淺瀨。空潭多鮑魚。網登肥且美。糟漬奉庖廚。昔
聞漁父賢。嘗勉楚人舖。楚人懷沙死。葬腹千歲餘。今茲
有遺意。敢共杯盤疎。

和臘前

漢家戌日看看近。雲景蒼茫已歲昏。欲驗方書治百藥。
預調飛走獵平原。土人熏肉經春美。宮女藏鉤舊戲存。
獨把凍醪驚節物。草芽微動見庭萱。

題臘藥

尚書晏相公臘日投壺輸詩七首便
以臘日所用物賦先成四首上呈

頽頽早覺衰。乃藉藥扶持。及此季冬日。預脩來歲宜。鼎
成無犬見。蜜煉有蜂知。借問月中兔。長年何所為。

臘酒

韋氏月錄云臘日造四月成

汲井輓轡鳴寒泉碧甕盛欲為三伏美方俟十旬清夢
憶黃公舍徒聞韋氏名熟時梅杏小獨飲效淵明

臘脯

畋獵得封獸割鮮為股脩易甘非愛日不敗任經秋可
用資賓豆何妨鄙薦臠考之新月錄美脆勝庖牛

臘筍

南山深竹養

去

下有鷓鴣鳴破臘初挑筍

呂氏春秋曰和之美竹越之簞筍

誇新欲比瓊薦盤香更美案酒味偏清馬援當時見曾
將禹貢評

伏波至荔浦見冬筍上言禹貢厥包橘柚疑是謂也

和挑菜

十二月十二日

中圃本膏壤始覺氣候偏出土蓼甲紅近水芹芽鮮挑
以寶環刀登之饌玉筵僻遠尚含凍安占春陽前造物
非有意地勢使之然

和臘日

獵鼓逢逢奏寒冰齷齷消正憐風日暖不似雪霜朝敢
問祠黃石休從擊阜鷗楚郊梅萼未壟麥已多苗

啄木二首

十二月十二日陪步後園所聞見

城頭啄枯楊城下啄枯桑朝啄不停味暮啄不充腸寒
風正冽冽蠹穴蟲且殭况茲園林迴剥剥響何長
食蠹非嫌蠹聲來古木高誰將琵琶弄寫入相思槽

語鳩

此以上三首補前投壺所輸七首

客語南方鳩啄蛇掀巨石。遂令山中人多竊禹步迹。誰云不可轉。鳥啄猶能擲。

和淮陽燕秀才

我官忝博士。曾昧通經術。前因辟書來。亦不習文律。循舊臨學宮。虎革被羊質。倚席未能講。占牘聊置日。朴鈍既若茲。媿彼啖棗栗。今者登俊賢。充詔冠庭實。邦伯乃宗公。惟帝舊良弼。置醴餞以行。行行季冬月。騏驥入羈。駕千里。終不蹶。慙予延蔭人。安得結子韉。心雖羨名場。才命甘汨沒。祿仕二十年。屢構龍椅揭。在昔見麻衣。于今盡超越。是以對杯觴。謹嚴微敢忽。寧唯畏後生。自恨疎節骨。肴羞羅食案。包核備時物。里婦或窺觀。戶下紅

裙出歸。應願生男生男。付紙筆。乃信讀書榮。况即服緼鞵。長歌食苹詩。聲澹異鳴瑟。

和石昌言求牡丹栽

昔年藥欄下。已多香草名。更移花本去。聊助日邊榮。莫問西都品。存吾舊友評。會應包萼吐。可與魏姚并。帶土歸金谷。封根近玉京。謫仙方醉詠。不倚錦宮城。

歐陽永叔有花品

和十二月十七日雪

窮冬勁臘已過半。曉雪先春何處來。豈是全資南畝麥。多應不分北枝梅。庭中未許野童埽。林上唯愁狂吹催。莫問兔園同賦客。相如居右最為才。

建溪新茗

南國溪陰暖。先春發茗芽。采從青竹籠。蒸自白雲家。粟粒烹甌起。龍文御餅加。過茲安得比。顧渚不須誇。

送詹彥迪祕校之粵

夙懷山水心。夢寐向東越。聞為會稽行。獨此羨明發。渡江信春潮。泊館食野蕨。平時異梁鴻。但泛鏡湖月。

謝人惠茶

山上已驚溪上雷。火前那及兩旗開。采牙幾日始能就。碾月一罌初寄來。以酪為奴名價重。將雲比脚味甘迴。更勞誰致中濡水。况復顏生不解杯。

和立春

茲日何所喜。所喜物向榮。綵縷作翠柳。意先新陽生。塗

金鏤為勝義。不首時輕增。年已歎老斗。酒聊自傾。

和謝仲弓廷評新理北園

園吏乘冬和。荷鉏去宿莽。主人因其勤。築土截荒壤。移枯復窠鍤。剗徑就平廣。東北倚高城。巖險不可上。愛彼林木深。便為丘壑想。更待春風歸。日探花卉長。但願多置酒。應得時一往。

和謝仲弓廷評栽竹

移得溪邊翠。來為庭下陰。惜根存舊土。帶筍助新林。暗換蕭蕭葉。知虛寸寸心。東風莫搖撼。培壅未應深。

和歲除日

一年三萬六千刻。玉漏唯餘十二時。去日苦多誰會惜。

殘陰全少頗能知。已驚顏貌徐徐改。不奈烏蟾冉冉馳。
萬國明朝賀新歲。東風依舊入春旗。

明井

在城東南

顯晦有難必。孰云幽不明。深井發寒泉。光若月色盈。陰
陽信奇變。曷用究厥情。譬彼出炎火。投薪丹燄成。吾人
勿驚異。但自汲甝嬰。

楊公懿得穎人惠糟鮑分餉并遺楊叔恬

頭尾接清淮。淮魚日登網。吳莼芡羹美。楚糟增味爽。云
誰得嘉貺。曾靡獨為享。乃知不忘義。分遺及吾黨。

和楊秘校得糟鮑

食魚何必食河魴。自有詩人比興長。淮浦霜鱗更腴美。

誰憐按酒敵庖羊。

春雪

臘前望盈尺。姦縮不忍乞。萬物及向榮。而反事凝凜。與
雨暗爭能。不念傷彼茁。雖然便消釋。終是乖氣律。新陽
豈憚沮。暴柳未為屈。隨風勢更巧。著樹媚且密。誰將背
時弃。乃欲逞果必。摧花自作花。旋積旋已失。上天施命
令。冬春不相匹。生物與死物。其道安可壹。嗚呼。此飛雪
何為在今日。

和謝公儀學士正月十七日雨後復雪

本祈春雨成春雪。應誤小桃先次開。西漢枚生誰復召。
南朝何遜自多才。潑除燈火上元去。挫却勾萌六出來。

前此解衣爭賞酒。不知為瑞與為災。

先是七日祈雨九日霽然至于今

伐桑

二月起蠶事。伐桑人阻飢。已傷持斧徒。不作負薪非。聊給終朝食。寧虞卒歲衣。月光無隔礙。直照破荆扉。

夢登天壇

夜夢登天壇。壇上兩仙人。來時乘白鳳。去時乘白麟。我問不我語。颯颯山中雨。

寒食日過荆山

山郵雖禁火。嶺樹自生煙。嗚咽同歸櫓。悲哀欲問天。泣親非泣玉。流淚劇流泉。春鶯橫刀膽。何心更食鮮。過口得雙鰕。魚懷永叔。

春風午橋上。始迎歐陽公。我僕跪雙鰕。言得石瀨中。持歸奉慈媪。欣詠殊未工。是時四三友。推尚以為雄。于茲十九載。存沒復西東。我今淮上去。沙嶼逢釣翁。因之獲二尾。其色與昔同。錢將青絲繩。羹芼春畦菘。公乎廣陵來。值我號蒼穹。失怙哀無窮。烹煎不暇餉。泣血語孤衷。生平四海內。有始鮮能終。唯公一榮悴。不媿古人風。

歲寒亭

種花邀青春。種柏要晏歲。乃知風露前。已辨雪霜勢。時俗愛芳菲。不妨鳴鶩鵠。他年都門歸。寧味始終計。

澄虛閣

箇圃隔踰氛。閑來衣練裙。檻邊生靜意。水底見微雲。斜

照迴晴景幽芳襲薄薰主人多賦詠不減沈休文

舟次泗上逢黃令因以詩送

向曉入汴尾隔河聞人聲得聲不得貌問識舊時名泊
舟忽來及袖詩多賢英言除丹徒宰暫作七閩行東南
幾千里日夕挂帆輕渡江蒞已老未足助杯羹最知便
道出先見縣人迎

依韻和許發運遊泗州草堂寺之什

入寺豈緣齋阮公方詠懷心將超紫府手欲拍洪厓雲
霧波初淨塵埃鑑已揩但能傾玉醕不假列金釵遠客
歸空速千檣密自挨醒論時事正醉戴野巾喁風俗通
吳楚清渾見汴淮遙知香刹外獨與賞心諧

依韻和許發運真州東園新成

疏鑿近東城蕭森萬物榮美花移舊本黃鳥發新聲曲
閣池傍起長橋柳外橫河渾遠波漲雨急斷虹明雲與
危臺接風當廣廈清朱簷看自躍翠柏種初生香草猶
能識山苗未得名南峰及西嶺常共酒杯平

宛陵先生文集卷第十二

書